

Post Dedicationem in Polo
Dedicatio in Solo

*Perillustri ac Ge-
neroso Domino*

D. FRANCISCO
de BECKER,

Sacrae Cæsareæ & Catholicæ

MAJESTATIS

POSTARUM PRÆFECTO
Coloniæ

*Domino ac Mecænati suo
Fugè Observantiâ Colendissimo,*



Epistola Dedicatoria.

Mirabile profectò & suprâ modum spectabile fuit Theatrum, quod ex Helinandro L. 16. describit S. Antoninus p. 1. tit. 4. cap. 1. Fuit illud (Heracles in civitate Spartanorum Dominio subjectâ) adeò mirabili structurâ affabrè factum, ut inter septem mundi miracula, seu portenta connumeraretur. Unius duntaxat erat lapidis, nihilominùs adeò amplum & spatiosum, ut innumerabilem multitudinem caperet. Ingens ejus machina super septem lapideas bases nitebatur. Erat insuper ibidem aliud quoddam mirabilius prodigium, ut nullus verbum aliquod adeò secrete proferre posset, quod non ab omnibus ita benè perciperetur, ac si singulis ad aurem diceretur.

PERILLUSTRIS AC GENEROSE
DOMINE! Exhibeo TIBI hic Theatrum, ast non adeò mirabile, nec adeò spectabile, sicut prius fuerat: imitatur tamen illud à longè, & quasi in umbrâ. Compendiosum quidem est, nihilominùs tantæ latitudinis, ut non innumerabilem tantùm, sed omnem omninò
homi-


hominum multitudinem complectatur. Unius est lapidis, imò lapilli, quo vitrea, inò vitro fragilior, hominis compago, unico etiam ictu confringitur, Nititur hæc machina super septem bases, puta super septem hominis, aut vite humane atates, quæ etsi lapidea essent, tamen stylo Mortis ferreo attererentur. Prodeunt in eodem, sed alternas per Scenas, due tantum Persona comice, scilicet VITA & MORS mirè inter se, modo suaviter, modò tragicè confluentes. Utinam utinam earum vox, etiam secretò emissa, omnium aures perstringeret. Olim in Theatris (ut notat Cornelius à Lapide in Acta Apostolorum cap. 19. §. 40.) spectabantur hominum & ferarum pugna, gladiatores & bestiludia: hic autem spectanda veniunt Mortiludia, nam, ut his præsertim temporibus quotidiana satis ostendit experientia,

Ludit in humanis Mortis vis improbarebus, Ete certam fragilis vix habet hora fidem.

Munusculum hoc (quod velut anni proxime elapsi partum in ipso anni præsentis exordio Xenii loco TIBI offero, ac NOMINI TUO consecro) TIBI debetur ob sincerissimum tuum affectum, quo Paternis gloriôsè inherendo vestigiis non tantum almam nostram Provinciam Coloniensem, sed & inclytam Nationem nostram Ger-

mano-Belgicam (cui proinde ob multiplices
favores cum gratiosâ Familiâ tuâ meritò affi-
liatus existis) semper prosecutus es, & adhuc
prosequi non desistis. Debetur TIBI ob singu-
larem in Litteratos, quorum in Lycaeis insignia
& praeclarissima doctrina specimina non ita pri-
dem ipsemet prastitisti, benevolentiam ac ma-
nificentiam. Debetur TIBI tanquam supremo
per has partes Veredariorum Magistro, ut sic
opusculum hoc, complectens Legem universi,
eò citius & facilius ad exterorum manus di-
vulgetur & devolvatur. Exile quidem, meri-
tisque tuis ac beneficiis longè impar est hoc Xe-
niolum, non desines tamen illud gratioso obtutu
aspicere, benevoloque affectu in TE suscipere.
Ego interim TIBI precor, quod olim Caesari
apprecatus est Ovidius Li. 2. Fastorum N. 56.

Dent Tibi caelestes, quos Tu Caelestibus, annos,
Proque Tuâ maneant in statione Domo.



F. Joseph. Kuckeisen
Servus Infimus.

Licen-